

ESKER ONA

EMOZIOAK LANTZEN

Norbaitengandik musu truk eta **borondate** onez zerbait jaso ondoren bizi dugun **sentimentu positiboa** da.

Aukeratu zein egoerataz senti dezakegun hori, hiru erantzun dira egokiak:

Arazoren bat konpontzen dugunean.

Konturatu gabe zerbait gaizki egiten dugunean.

Maite ditugun lagunekin gaudenean.

Norbaitek egindako oparia jasotzen dugunean.

Lagunak eta sendi tartekoak
zaintzen ditugunean

Norbaitek musu truk
laguntzen digunean.

EHUNZANGO DANTZARIA

Herri inguruko zelaietan animalia ugari bizi zen: batzuk txikiak, besteak handiak, batzuk korrika, besteak saltoka, baina, denak pozik eta alai. Haien artean aurkitu genitzake: amona mantangorria, tximeleta, kakalardoa, ipurtsarde, ...ehunzangoak egiten zituen dantzei begira.

Denak oso lagunak ziren eta elkarri asko laguntzen zioten. Tximeleta eta amona mantangorriak ezezagunen bat gerturatzen zenean denei jakinarazten zieten, ipurtsardek berriz, lagunak bere pintzekin defendatzen zituen, kakalardoak zuloak egiten zituen lur azpian ezkutaleku gisa erabili ahal izateko eta bukatzeko, ehunzangok festak alaitzen zituen bere dantzekin.

Egun batean, tximeleta, urduri, hegoak astintzen hasi zen arriskua adierazi nahian eta denak erne jartzeko.

- Apotzar bat! Apotzar bat begira ari zen jaki moduan ikusten zituen bitartean.
- Gustura zabiltzate alajaina! esan zien - poliki-poliki inguratuz.
- Uda da eta lurra epel-epel dago, gainera, jateko ugari dugu inguruan eta egarriturik gaudenean ondoko errekarara joan gintezke. Zer gehiago eska genezake?- erantzun zioten ezkutatzera azkar alde egin zutenean.

Ehunzangok, ezer esan gabe, ihes egin zuen, ez baitzitzaion batere atsegin apoaren bisita.

Halere, apoak ehunzangoa begiradarekin jarraitu zuen eta honela zuzendu zitzaion:

- Ehunzango, itxaron pixka bat, zurekin hitz egin nahi dut...

Ehunzangok, belarretan ezkutaturik zegoela, apoa mantso-mantso inguratzen ari zitzaiola ikusi zuen.

Atsedena hartuz eta tartea mantenduz honela galdetu zio:

- Zeri buruz hitz egin nahi duzu?
- Nik ospatu behar dudana festara zu etortzea nahi dut. Dantzari ona zarela entzun dut eta bertan dantza egitea nahiko nuke.
- Zuk ematen duzun festara joaten banaiz eta zuretzat dantzatzeko badut, trukean zer emango didazu?

Apoa pentsakor geratu zen eta honela erantzun zion:

- Etxe berri bat egingo dizut.
- Ez dut beste etxerik behar, orain dudana oso gustukoa dut. - erantzun zion Ehunzangok.
- Ba... zure etxea janaria pilatu beharrik, behar dudana zelaian aurkitzen dut -erantzun zuen.
- Orduan zer nahi duzu? Esan ezazu eta eskatzen duzuna ematerik dudana ikusiko dugu.
- Ongi da, nire lagunak errespetatzea nahiko nuke, ez nuke nahi zuk beraiek jatea, erreka beste aldera joan zaitezke janari bila eta nire lagunak bakean utzi.

Apoak, purrustaka onartu egin zuen proposamena, erreka beste aldea urrutiago baitzuen. Orduan Ehunzango etxera abiatu zen dantzak entsaiatzeko asmoz eta horrela aritu zen:

- Bat, bi, hiru eta eskuinera; bat, bi, hiru eta ezkerrera; bat, bi, hiru eta atzera; bat, bi, hiru eta buelta...

Behin eta berriro errepikatu zuen.

Hain dantza zailak beste inork ez zituen dantzatzeko eta horregatik zen hain ezagun eta ospetsua. Toki askotatik deitzen zioten eta denek miresten zuten dantzarako zuen trebetasuna.

Festa eguna iritsi zenean, zituen onenak jantzita, apoaren etxera abiatu zen. Denak irrikaz ikusi zuten emanaldia eta Ehunzangok txalo eta laudorio ugari jaso zituen. Apoak pozez zorutzen zegoen lagunak esker ona jasotzen zuelako eta festa amaitu bezain laster Ehunzangok honela esan zion:

- Gogoan izan nire lagunak bakean uztea agindu zenidala eta zure hitza bete egin behar duzula, eh!

- Ez zaitez kezkatu, emandako hitza beteko dut. Esan zure lagunei janari bila errekaen beste aldera joango naizela eta hemendik aurrera lasai ibiltzeko.

Ehunzango etxera itzuli zenean lagun guztiak zituen kezkatuta bere zain agian apoak jan egin zuela pentsatu baitzuten. Iritsi orduko Ehunzangok berri ona eman zien:

- Apoak antolatutako festan dantza egiteagatik bakean utziko gaituela hitz eman dit. Aurrerantzean, janari bila errekaen beste aldera joango da.

- Aupaaaaaaaaa! - Egin zuen oihu.

Lagunek eskerrak eman zizkioten, bizkar gainera jaso eta denak batera berri ona ospatu zuten. Tximeletak, bere esker ona erakutsi nahian lorea oparitu zion, amona mantangorrik hazia, ipurtsadek fruta zatia eta kakalardoak buztin eta lastozko pilotatxoak. Denak elkarrekin jolastu zuten iluntzera arte.

Erantzun ondorengo galderak:

- *Norbaiten laguntza edo opari bat jasotzen duzunean, eskerrak ematen al dituzu?*
- *Apoa ikusterakoan zer egin dute beste animaliek?*
- *Ehunzangok denen mesederako izango den zerbait eskatuko dio igelari, zer iruditzen zaizu?*
- *Zu ehunzangoa izan bazina, zer eskatuko zenioke apoari?*
- *Ehunzangori esker lagunak onik ateratzen dira. Antzeko egoerarik bizi izan al duzu inoiz ?*